



## Te whakarite mō City Rail Link

E tuwhera ai a City Rail Link ā te tau 2026, he maha ngā mahi me oti e takatū ai te whānuitanga o te kōtuinga tūnuku.

Ka whai wāhi ki tēnei ko te whakamātautautanga me te whakaurunga o ngā pūnaha hou o CRL me te whānuitanga o ētahi mahi e puta ai tētahi ratonga rawe ki te kirihoko.

Nā te katinga o ngā ara tereina i ngā hararei o te raumati o te tau 2024/25 i tino tata ake ai te pae ki te whakatuwheratanga o City Rail Link.

I neke atu te kokenga o ētahi o ngā hoa patui o te ara tereina i tērā i whakaritea rā ki ētahi wāhi i aua wiki e whā o te raumati i katia ai ngā ara tereina. I eke ki tōna 110 te maha o ngā wāhi puta noa i te kōtuinga ara tereina o Tāmaki Makaurau i whakakoungia ake, i whakahoungia ake rānei e te tokomaha ake i te 1,350 o ngā kaimahi i kawē rā i ngā mahi i ngā hāora katoa o ia rangi, i ōna wāhi katoa i taea rā, e nui ake ai ngā mahi i te poto ake o te wā. Ko ētahi o ngā mahi i tutuki ko:

- te whakaotinga o tētahi arawhiti maiangi e hou ana mō ngā wae hīkoi i Middlemore Station,
- te whakaotinga o ngā whakapaipaitanga ki ngā ararewa i ngā teihana o Swanson me Sylvia Park,



- ngā mahi ārai i te pāhekeheke i Ōrākei Station,
- te whakakounga tonutanga i Henderson Station,
- tētahi o ngā whakatutukitanga matua o ēnei mahi, arā, ko te whakaotinga o te 19 kiromita o te ara tereina hiko e hou ana i waenga o Papakura me Pukekohe. Kua tere ngā tereina pāhihi ki te pokapū rā anō o te tāone, ā, kāore te tangata e mate ki te whakawhiti ki tereina kē i Papakura,
- te katinga o ngā paewhiti e rua mō ngā wae hīkoi me te whakatūnga o tētahi rōnaki tomopai e hou ana e haumaruru ake ai te toro a te tangata ki Homai Station.

Kua tae mātou ki te pae whakamutunga o te hōtaka o Rail Network Rebuild (RNR), koia rā te whakamaunga o te pae tata kia takatū ai te kōtuinga ara tereina o Tāmaki Makaurau mō City Rail Link.

## **Ngā katinga ara tereina kua whakaritea mō ngā rā kei te heke mai**

E aro ana ngā mahi o te hōtaka o Rail Network Rebuild i te tau 2025 ki ngā wā e eke ai te tokoiti ake i te tereina. Ka whakatīeke mātou kia tere tonu ngā tereina i ngā wā toritori o ngā rā mahi o te wiki kia ū ai ngā kirihoko ki ā rātou whakaritenga o ngā rā mahi o te wiki.

Ko te katinga matua o ngā ara tereina e tū mai nei ka tū hei te wā o Te Aranga me te Rā o ANZAC – i te 12 ki te 27 o Āperira 2025. Kāore he tereina pāhihi kotahi, kāore hoki he tereina utanga kotahi e tere ā taua wā, ā, he pahi whakakapi ka tere hei whakakapi i ngā tereina.



## **He waka tomopai mō te marea**

Mehemea he nui rawa tō pūrere tomopai hei kawē māu ki runga i te pahi whakakapi tereina, ka āhei tō tāpui i tētahi tekehi tomopai e utukore ana mā te whakapā ki te Contact Centre o AT. Ka āhei tō tāpui i tēnei ratonga mā te waea ki te 09 366 6400. E tūtohua ana te kiritohu kia tāpuia tōna tekehi tomopai i ētahi rā o mua i tana haere e ea ai tana tono i te wā e pīrangitia ai te tekehi.

## **Te hāereere i te waka mō te marea i tēnei o ngā Rā o ANZAC**

Kua whakaae a Auckland Transport kia utukore te hāereere a ngā ika a Whiro, a te hunga hoki kua whai kāri SuperGold me ngā mema o RSA mā runga i ngā waka whakakapi tereina, i ngā pahi me ētahi o ngā waka kōpiko e tae ai rātou ki ngā hui atātū o ANZAC.

Ka whai wāhi hoki ki tēnei ko te whakaritenga o ētahi atu anō pahi me ētahi atu anō waka whakakapi tereina mō te atātū o te Rā o ANZAC.

Heoi anō tāu he whakaatu i tō kāri mā te Ika a Whiro, i tō kāri SuperGold rānei, i tō kāri rānei mā te mema o RSA kei te mau kākahu ōrite rānei, kua ritāia rānei, ki te kaihautū e utukore ai te hāereere mā runga i te waka mō te marea i te Rā o ANZAC.

## **Ngā katinga ara tereina kua whakaritea mō ngā rā kei te heke mai**



Hei te roanga o tēnei tau, he wā poto ake ōna kāore ngā tereina e tere i ngā mutunga wiki roa, tae atu ki:

- te mutunga wiki o te Huritau o te Kīngi – i te 30 o Mei ki te 2 o Hune 2025
- te mutunga wiki o Matariki – i te 20 ki te 23 o Hune 2025
- te mutunga wiki o te Rā Whakanui i ngā Kaimahi – i te 24 ki te 27 o Oketopa 2025

E mārama ana ki a mātou te hōhā o te panonitanga o ngā āhuatanga ki ngā tereina, engari, i ētahi wā, me mātua kati te kōtuinga e haumaruru ai, e tere ake ai hoki te whakaotinga o ngā mahi.

E kitea ai he pārongo atu anō, toro atu ki [Rail Network Rebuild](#)